

Visoki predstavnik komentira glasanje o predsjedavajućem Vijeca ministara u Zastupničkom domu BiH

Visoki predstavnik, Wolfgang Petritsch, nakon što je Zastupnički dom u srijedu odbio predloženog kandidata za predsjedavajućeg Vijeca ministara, očekuju da Predsjedništvo bez odlaganja i na konstruktivan način imenuje novog kandidata. To znači da Predsjedništvo mora uzeti u obzir rezultate novembarskih izbora i raspodjelu mandata u Zastupničkom domu i voditi računa o tome da predloženi kandidat dobije potvrdu Doma. Konstruktivan pristup provedbi izbornih rezultata je nešto što je normalno očekivati od bilo koje demokratske evropske države, kao i ustavna obaveza.

Zahtjevi Smjernica EU (Road Map) i Vijeca Evrope su jasni u smislu koraka koje moraju poduzeti izabrani predstavnici BiH. Dok se ne formira Vijeće ministara i nove vlade na novou Federacije i Kantona, ne može doći do pomaka u ispunjavanju ovih zahtjeva.

Visoki predstavnik je zabrinut ponasanjem koje su pokazali neki visoki dužnosnici i stranke na otegnutoj sjednici održanoj u srijedu. On osuđuje huskacki i prijeteci rječnik koji su upraznjavali neki zastupnici i dužnosnici, pogotovo iskrivljena poredjenja sa predratnim periodom i prijetnje blokadom rada institucija BiH.

Iako se slaže sa tvrdnjom gosp. Jelavica da je “nevjerovatno” da tri mjeseca nakon izbora još nije formirana vlast, Visoki predstavnik je u potpunosti svjestan činjenice da ova izjava dolazi od predsjednika stranke koja najviše opstruira formiranja zakonodavne i izvršne vlasti na svim nivoima. Pored

toga, gosp. Jelavic, kao hrvatski clan Predsjedništva, je imenovao kandidata za kojeg je morao znati da nije vjerovatno da ce dobiti saglasnost Zastupnickog doma.

Visoki predstavnik je takodjer zabrinut ponasanjem SDS-a koji se pridruzio HDZ-u po pitanju sumnji u ustavnost rada Zastupnickog doma, navodeci kao argument cinjenicu da nije oformljen Dom naroda. SDS je iz tog razloga cak odbio i da glasa po pitanju mandatara.

Prvo, radi pojasnjenja: za potvrdu predsjedavajuceg Vijeca ministara nije potrebna saglasnost Doma naroda, tako da je irelevantno da li je formiran Doma naroda ili ne. Ovakav stav je predsjedavajucem Zastupnickog doma prenio Visi zamjenik visokog predstavnika, Matthias Sonn, dana 29. januara 2001. godine, a objavljen je i u saopstenju za javnost OHR-a od 12. januara 2001.

Drugo, rukovodstvo SDS-a se potpisanom izjavom od 12. decembra 2000. godine obavezalo na "uspostavljanje i jacanje samoodrzivih zajednickih drzavnih institucija", "saradnju sa medjunarodnom zajednicom" kao i na postivanje "obaveza iz Dejtonskog mirovnog sporazuma". Ponasanje koje je SDS pokazao u sriejdu bilo je suprotno ovoj obavezi. Visoki predstavnik ce reagirati na odgovarajuci nacin.